

NYDIA ECURY TA DECLAMA POESIA Y PROSA AWE NA BIBLIOTECA NACIONAL

ORANJESTAD(AAN): -- Biblioteca Nacional, Grupo GP3 y artistanan local lo rindi homenahe awe Dia-

huebs 30 di Maart na Nydia Ecury, "nos yaya literario". Durante e anochi especial aki, cu lo cuminza pa 8'or di

anochi, señora Ecury lo declara poesia y prosa na Papiamento, Ingles y Hulandes y lo presenta algun sketch

for di su one-woman show "Luna di Papel".

Nydia Ecury a nace na Aruba dia 2 di Februari 1926 y ta biba y traha na Curacao desde 1957.

El a publica cinco buki di poesia te awor, esta, "Tres Rosea" na 1972, "Vos di Sanger" na 1976, "Na mi curason mara" na 1978, "Cantika pa Mama Tera" na 1984 y "Un sinta den biento" na 1995.

Semper e tabata hopi activo riba tereno di teatro, como artista y director di obranan literario y tambe como traductor (el a traduci entre otro, Alfonso Paso, Goldoni, Tennessee Williams, Jean Genet y Shakespeare).

Den cuadro di preparacion di introduccion di Papiamento na schoolnan basico, el a skirbi y traduci cuenta pa mucha manera "Di con

Anasa tin corona?" y "E fruta di Abrakazor" na 1981 y "Tres cuenta di hada", "Tres cuenta Italiano", "Ay mi dushi bunita captan", "Bestia por siña nos hopi cos" y "Un deseo cumpli".

El a representa Antiyas Hulandes binti biaha na festivalnan literario na Puerto Rico, Barbados, Trinidad, Venezuela y varios vez na Hulanda y Merca.

Na aña 1996, el a haya e "Premio Biental Pierre Lauffer" pa su aporte na idioma Papiamento, riba tereno literario (poesia y traduccion) y di teatro.

Pa su prestacionnan riba tereno cultural, el a haya dos condecoracion real, esta, e "eremedaille in goud verbonden aan de Orde van Oranje Nassau" na 1972 y "Lid in de Orde van Oranje Nassau" na 2000.